



Inatsisartunut ilaasortaq  
Partii Naleraq  
/Hans Enoksen

## Upalungaarsimaneq pillugu § 37 naapertorlugu apeqquteqaammumt nr. 099-2020-imut akissut

Asasara Hans Enoksen

Inatsisartut Suleriaasianni § 37 naapertorlugu Upalungaarsimaneq pillugu Naalakkersuisunut apeqquteqarputit. Apeqquteqaat uannit akisassanngorlugit innersuunneqarpoq.

Allakkat ulluat: 26-06-2020  
Suliap nr.: 2020 - 10425  
Allagaatip ilisarnaataa:  
14038937

Postboks 1614  
3900 Nuuk  
Tlf.: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

### 1. Naalakkersuisut siulittaasuata aamma Borgmesterip Saqqaq-miunut neriussuutigisimasai, Saqqami qatserisarfik nutaaq aamma sannavik nutaaq sumut killippat?

Apeqqummut 1-mut akissuteqarnissamut ilanngussassanik Naalakkersuisut Siulittaasuata Naalakkersuisoqarfianit piniartoqarpoq:

*”Qatserisarfiit, qatserisarfinnik sanaartorneq imaluunniit nuutitsineq ilanngullugit, kommunit akisussaaffigaat. Matumuuna Namminersorlutik Oqartussat kommunimut innersuussisariaqarput. Qatserisarfinnut tunngatillugu Namminersorlutik Oqartussat taamaallaat nakkutilliinermut oqartussaasuupput. Aammattaaq Saqqami qatserisarfiup imaluunniit sannaviup nuunneqarnissaa pillugu Naalakkersuisut Siulittaasuata oqaaseqarsimannngilaq”*

### 2. Nunaqarfinni qatserisarfeqarneq, ikuallattoornissamut sillimaneq Kalaallit Nunatsinni nunaqarfinni tamani pitsaasutikkut killiffik Naalakkersuisuniit ilisimaneqarpa?

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermit iliuusissat pillugit Inatsisartut inatsisaat nr. 14, 26. maj 2010-meersoq naapertorlugu annaassiniarnermut upalungaarsimaneq kommunit susassaqarfigaat. Kommunini annaassiniarnermut upalungaarsimasut inatsisinik atuuttunik naammassinninnerannut Naalakkersuisut ingerlaavartumik nakkutilliipput.


### 3. Nunaqarfinni Qatserinissamut atortuutitigut nutarterisoqartarpa?

Takuuk apeqquummut 2-mut akissut.

### 4. Tamakku tamarmik kommunenit akissaqarfigineqarpat?

Aap, annaassiniarnermut upalungaarsimaneq Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq naapertorlugu kommunit susassaqarfigaat.

Inussiarnersumik inuulluaqqusillunga



Jess Svane